



**SPORTSKO RIBOLOVNI SAVEZ
BOSNE I HERCEGOVINE
SPORT FISHING ASSOCIATION
OF BOSNIA and HERZEGOVINA**



**35. SVJETSKO PRVENSTVO U MUŠIČARENJU 2015. BIH
35TH WORLD FLY FISHING CHAMPIONSHIP 2015. B&H**

**BILTEN br.1.
BULLETIN N°1**



JAJCE – BIH, 16 – 21. 06. 2015.



Predsjednik Organizacionog odbora

mr. Bakir Izetbegović

Bosni i Hercegovini je pripala čast da sljedeće godine bude domaćin 35. Svjetskog prvenstva u Fly Fishing-u, manifestaciji koja kroz dugu tradiciju njeguje sportski duh i uspostavlja čvršću saradnju, kako među ljubiteljima ribolova, tako i među državama.

Pored pokroviteljstva Predsjedništva Bosne i Hercegovine, o značaju ovog takmičenja pokazuje podatak da je nakon 14. Zimskih olimpijskih igara u Sarajevu, ovo prvenstvo jedan od najznačajnijih sportskih događaja u Bosni i Hercegovini.

Kao predsjednik Organizacionog odbora 35. Svjetskog prvenstva u Fly-

fishingu zadovoljan sam što i u Bosni i Hercegovini sportski ribolov iz godine u godinu okuplja i privlači sve veći broj zaljubljenika u ovaj plemeniti sport. To, između ostalog, potvrđuje činjenica da u Bosni i Hercegovini trenutno egzistira oko 150 Sportsko - ribolovnih društava /klubova/ sa oko 40.000 aktivnih članova.

Cijenjeni takmičari, ljubitelji ribolova, gosti i posjetioci želim Vam ugodan boravak i da Vam vrijeme provedeno u našoj zemlji ostane u što ljepšem sjećanju, te da iz Bosne i Hercegovine odete sa najljepšim utiscima.

Na ovim takmičenjima smo svi pobjednici.



PREDSJEDNIK IZVRŠNOG KOMITETA
Mr. Đorđe Klepić

Dragi prijatelji ribolova,

Bosni i Hercegovini pripala je izuzetna čast da Vas ugosti kao domaćin na 35. Svjetskom prvenstvu u Fly Fishing-u, koje će se održati od 16 – 21. juna 2015. godine.

Dolazite u zemlju domaćina, koja ima oko 4 miliona stanovnika različitih vjerskih i nacionalnih opredjeljenja, koju čine dva entiteta (Federacija BiH i Republika Srpska), te Distrikt Brčko.

Iza nas su ostale mnoge velike manifestacije, kao što su: 27. Svjetsko klupsko prvenstvo u sportskom ribolovu, održano 2007. godine u Čapljini -Hutovo Blato, zatim 16. Evropsko prvenstvo u mušičarenju, održano 2010. godine u Banja Luci u Republici Srpskoj, kao i 15. Svjetsko prvenstvo invalida i 6. Svjetsko prvenstvo veterana, održano 2013. godine u Čapljini-Karaotok u Federaciji BiH.

Za sve do sada uspješno organizovane manifestacije dobili smo pohvale od najvećih zvaničnika ovoga sporta.

Želim Vam prijatan boravak u našoj zemlji, gradu domaćinu Jajcu u Federaciji BiH i najljepšim takmičarskim stazama koje ćemo Vam ponuditi.

Takođe, želimo da bolje upoznate našu zemlju, njene ljude i običaje, te da se vratite svojim domovima sa lijepim uspomjenama.


Neka Vam je uspješan dolazak u našu zemlju i boravak u njoj. U to ime, pozdravljam Vas našim tradicionalnim ribarskim pozdravom – BISTRO



NAČELNIK OPĆINE JAJCE
Mr. Edin Hozan

Poštovani takmičari, dragi prijatelji dobro došli u Jajce, grad domaćin 35. Svjetskog prvenstva u fly fishingu. Raduje nas što imamo tu privilegiju biti domaćini svjetskog prvenstva koje će okupiti takmičara iz više od trideset zemalja. Za BiH i grad Jajce ovo je veliko takmičenje, jer mušičarenje nije samo sport, to je svojevrsna umjetnost i povezanost sa prirodom.

Želja nam je da ostvarite dobre rezultate, ali i da se ugodno osjećate. Zato ćemo se potruditi da Vam predstavimo našu zemlju i naše ljepote, a upravo gradovi domaćini prvenstva čine BiH u malom. Dragi gosti, učinićemo sve da Jajce bude grad koji ćete ponijeti u srcu i mjesto koje ćete sa radošću posjećivati.





PROGRAM TAKMIČENJA

35. SVJETSKOG PRVENTSVA U MUŠIČARENJU

16 – 21. 06. 2015. GODINE JAJCE BOSNA I HERCEGOVINA



Datum	Satnica	Aktivnosti
UTORAK, 16. 06.2015.	09.00 – 12.00 12.00 – 14.00 12.00 – 12.45 14.00 – 15.00 17.00 – 18.30 18.30	Dolazak ekipa i registracija u Hotelu "Turist" Ručak u hotelima u kojima su ekipe smještene Pres konferencija u Hotelu "Turist" Sastanak kapitena ekipa i žrijebanje Kulturni program u centru Jajca Svečano otvaranje prvenstva uz prigodan koktel dobrodošlice
SRIJEDA, 17. 06. 2015.	06.00 – 07.00 07.00 08.00 -11.00 12.00 – 15.00 15.30 17.00 – 20.00 20.00 – 20.30 20.30 – 21.30 21.00 – 23.00	Doručak u hotelima Polazak autobusa na zvanični trening Zvanični trening 1 Zvanični trening 2 Ručak u sektorima Zvanični trening 3 Povratak ekipa Sastanak kapitena ekipa Večera u hotelima
ČETVRTAK, 18. 06. 2015.	05.00 – 06.00 07.00 – 08.00 09.30 – 12.30 13.30 – 14.30 14.30 – 15.30 16.30 – 19.30 19.30 – 20.30 20.30 – 21.00 21.00 – 23.00	Doručak u hotelima Prevoz autobusima do sektora Sesija 1 Ručak u sektorima Prevoz autobusima do narednog sektora Sesija 2 Povratak autobusima do hotela Sastanak kapitena ekipa Večera u hotelima
PETAK, 19.06.2015.	05.00 – 06.00 07.00 – 08.00 09.30 – 12.30 13.00 – 14.00 14.00 – 15.00 15.00 – 19.00 19.00 – 20.30 20.30 – 21.00 21.00 – 23.00	Doručak u hotelima Prevoz autobusima do sektora Sesija 3 Povratak autobusima do hotela Ručak u hotelima Slobodno popodne Simpozijum u Hotelu "Turist" Sastanak kapitena ekipa Večera u hotelima
SUBOTA, 20.06.2015.	05.00 – 07.00 07.00 – 08.00 09.30 – 12.30 13.30 – 14.30 14.30 - 15.30 16.30 – 19.30 19.30 – 20.30 20.30 – 21.00 21.00 – 23.00	Doručak u hotelima Prevoz autobusima do sektora Sesija 4 Ručak u sektorima Prevoz autobusima do narednog sektora Sesija 5 Povratak autobusima do hotela Sastanak kapitena ekipa Večera u hotelu
NEDJELJA, 21.06.2015.	08.00 – 10.00 10.30 – 13.00 13.00 – 15.00 16.00 17.00 – 18.30 19.00 20.30 – 01.00	Doručak u hotelima Slobodno vrijeme Ručak u hotelima Polazak autobusima na završnu ceremoniju Ceremonija proglašenja plasmana i dodjela medalja i priznanja Povratak u mjesta smještaja Završni banket u Hotelu "Turist"
PONEDJELJAK, 22.06.2015.	07.00 – 10.00	Doručak u hotelima i ispraćaj ekipa

Takmičenje će se održati na četiri rijeke i jednom jezeru i to:

Rijeka Sanica u mjestu Sanica, udaljeno od Jajca 85 km.

Rijeka Sana " Ribnik " " " " 65 km.

Rijeka Pliva " Šipovo " " " " 30 km.

Rijeka Vrbas " Donji Vakuf " " " " 40 km.

Plivsko Jezero " Jajce " " " " 8 km.



ŠEMA ROTACIJE SEKTORA

SEKTOR RIJEKA JEZERO	SRIJEDA	ČETVRTAK		PETAK		SUBOTA	
	ZVANIČNI TRENING 17. 06. 2015. DAN	18.06.2015.. II DAN		19.06.2015. III DAN		20.06.2015. IV DAN	
TRENING	Prije podne 9.30- 12.30h	Poslije podne 16.30- 19.30 h	Prije podne 9.30- 12.30h	Poslije podne 16-19.30 h	Prije podne 9.30- 12.30h	Poslije Podne 16.30- 19.30	
Rijeka „PLIVA“ ŠIPOVO I	Prije podne 8.00-11.00h	A	B	C	slobodno	D	E
Rijeka „SANA“ RIBNIK II		B	C	D	slobodno	E	A
Rijeka „SANICA“ KLJUČ III		C	D	E	slobodno	A	B
JEZERO „PLIV.JEZ“ JAJCE IV	Poslije podne 12-15 h	D	E	A	slobodno	B	C
Rijeka „VRBAS“ Dojnji Vakuf V	Predveče 17.00-20.00	E	A	B	slobodno	C	D





OPIS TAKMIČARSKIH STAZA

35. Svjetsko prvenstvo u Fly Fishing-u biće organizovano na četiri rijeke i jednom jezeru.


Takmičarske staze na rijekama su dužine 6000 m, a startna mjesta takmičara 180 m, sa međuprostorom od po 10 m sa lijeve i desne strane takmičara.

Love se sve vrste zastupljene ribe u rijekama i jezeru, a minimalna dužina koja se boduje je 20 cm. Takmičenje se organizuje u potpunosti u skladu sa pravilima i propozicijama Pravilnika FIPS/MOUCHE Federation. Dozvoljene su sve tehnike lova udicom bez kontra-kuke, otežanja većeg od dozvoljenog skriveno na mušici – nimfi, a ulovljena riba se izvlači pomoću meredova (mreže).

Za trening su određene takmičarske staze na Plivskom jezeru i na rijekama Plivi i Vrbasu. Rezervna takmičarska I trening- staza je na rijeci Sani u mjestu Ključ.

Za vrijeme takmičenja se očekuju dobri vremenski uslovi, temperature od 17 - 22 stepeni Celzijusa i povoljan vodostaj rijeka.


1. Takmičarska staza- rijeka Pliva sektor I „A“ ŠIPOVO



Ova takmičarska staza nalazi se na rijeci Plivi u naselju Šipovo, udaljeno 30 km od Jajca.

U gornjem toku rijeka je dosta brza, na pojedinim mjestima duboka 2-3 m, u kojima se najbolje lovi nimfom, dok u donjem dijelu staze rijeka je nešto sporija i šira.

U ovoj rijeci žive sve vrste salmonidne ribe, a na takmičarskoj stazi prevladava lipljan (*Thymallus-thimallus* Linnaeus).



2. Takmičarska staza - rijeka Sana Sektor II "B" RIBNIK



Ova takmičarska staza nalazi se na rijeci Sani u mjestu Ribnik, nizvodno od ušća rijeke Ribnik prema Ključu.


Širina rijeke je od 25-30 m, a dubina oko 1-2 m.

Rijeka je nastanjena lipljenom (*Thymallus thymallus* Linnaeus), potočnom pastrmkom (*Salmo trutta m. fario* Linnaeus), mladicom (*Hucho-hucho* Linnaeus), te ciprinidnim vrsta riba, od kojih je najbrojniji klen (*Leuciscus cephalus*) i mrena (*Barbus barbus* Linnaeus). Vrlo malo ima kalifornijske pastrmke (*Oncorhynchus mykiss* Walbaum).

Na ovoj takmičarskoj stazi je održavano 16. Evropsko prvenstvo u mušičarenju 2010. godine.



3. Takmičarska staza - rijeka Sanica Sektor III „C“ KLJUČ




I na ovoj takmičarskoj stazi je održavano navedeno evropsko prvenstvo i postizani su veoma dobri rezultati.

Ova takmičarska staza je najudaljenija (85 km) od Jajca. Širina rijeke je 25 – 30 m, a prosječna dubina 1 m.

Rijeka je veoma bogata lipljenom (**Thymallus thymallus Linnaeus**), potočnom pastrmkom (**Salmo trutta m. fario Linnaeus**) i mladicom (**Hucho-hucho Linnaeus**), a u donjem dijelu sektora ima klena (**Leuciscus cephalus**) i štuke (**Esox Lucius**).

Inače, u čitavom sektoru prevladava lipljen.



4. Takmičarska staza - Plivsko jezero Sektor IV "D" JAJCE



Ova takmičarska staza nalazi se na prirodnom Plivskom jezeru koje je 7 km udaljeno od grada Jajca.

Jezero je dužine oko 3500 m, a takmičarska staza počinje na ušću rijeke Plive u jezero. Širina jezera na stazi je 300 – 400 m, na mjestima jezero je duboko i do 30 m, a na dijelu gdje sektor za lov dubina je 6 – 8 m.

U jezeru žive sljedeće vrste riba: potočna pastrmka (**Salmo trutta m. fario Linnaeus**), lipljen (**Thymallus thymallus Linnaeus**), kalifornijska pastrmka (**Onorhynchus mykiss Walbaum**) i jezerska pastrmka (**Salmo trutta m. lacustris Linnaeus**), a od ciprida šaran (**Ciprinus carpio**), štuka (**Esox Lucius**) i linjak (**Tinca tinca**).


Na ovoj stazi se lovi isključivo iz čamaca koji se kreću duž vidno obilježenog sektora.

Na 16. EP najbolji rezultati su postizani sa potezankom (**strimer**) u tri varijante na jednom prutu (**imitacija larvi, pijavice i ribice**).







5. Takmičarska staza - rijeka Vrbas sektor V „E“ Donji Vakuf



Ova takmičarska staza nalazi se na rijeci Vrbas nizvodno od mjesta Donji Vakuf i od Jajca je udaljena oko 40 km.

Dužina staze je oko 6 km, širina 25 – 30 m, prosječna dubina 1 – 2 m, a negdje i 3 m.

Duž cijelog sektora najzastupljeniji je lipljen (*Thymallus thymallus* Linnaeus), koji se najbolje lovi nimfom i suhom muhom, a inače u rijeci žive još i potočna pastrmka (*Salmo trutta m.fario* Linnaeus), mladica (*Hucho-hucho* Linnaeus), a od ciprinidnih vrsta riba najviše ima klena (*Leuciscus cephalus*).



Rezervna staza - rijeka Sana – Ključ

Ova takmičarska staza nalazi se na rijeci Sani nizvodno od mjesta Ključ i od Jajca je udaljena 65 km.

Njene karakteristike su skoro identične takmičarskoj stazi Sektora II „B“, jer se nalazi na istoj rijeci.



Ovo je bila rezervna staza i za 10. EP održanog 2010. godine.

Trening staze

1. Trening - staza na rijeci Plivi se nalazi 300 m nizvodno od startnog broja „A“ – 30, sektora I „A“ Šipovo. Na ovom dijelu rijeka Pliva je nešto šira, a prosječna dubina je 3 m. Najbolji uspjeh u lovu se postiže sa nimfom i suhom mušicom.

2. Druga trening – staza se nalazi neposredno uz takmičarsku stazu u sektoru 4 „D“ – Plivsko jezero – Jajce i ima sve karakteristike takmičarske staze.

3. Ova trening – staza se nalazi na rijeci Vrbas nizvodno od takmičarske staze Sektora 5 „E“ – Donji Vakuf. I ova staza za treninge ima sve karakteristike takmičarske staze na ovoj rijeci.





OFICIJELNI SMJEŠTAJ EKIPA UČENIKA



Hotel Turist 98 se nalazi u prelijepom srednjovjekovnom gradu Jajcu, nadaleko poznatom po svojoj bogatoj historiji i historijskoj baštini. To je gradski hotel sa cjelogodišnjim poslovanjem i kombinovanom ponudom. Na raspolaganju su kapaciteti za udoban smještaj kako za one koji su tu doputovali radi odmora i razonode svih vrsta, tako i za one koji su na proputovanju. Naravno u pred i postsezoni, uslovi koje hotel nudi su upravo namijenjeni za održavanje seminara i poslovnih skupova posebnih interesnih grupa, sportaša i rekreativaca, sportskih i reprezentativnih ekipa... Hotel je u cijelosti prekriven bežičnom Internet konekcijom. Posebno ističemo dodatne pogodnosti i sadržaje hotela kao što su: prostrani i čuvani parking (pod video nadzom), veliki trgovački centar »Tropic«, banka »Hypo Group Alpe Adria, konferencijska sala, slastičarna, restoran sa ljetnom terasom, Internet point...

Kontakt

Hotel Turist 98 Jajce

ul. Kraljice Katarine bb
Jajce 70101
Bosna i Hercegovina

utd.turist98@tel.net.ba

Recepcija telefon: +387 30 658 151

Recepcija fax: +387 30 658 151

Uprava telefon: +387 30 654 144

Uprava fax: +387 30 658 849

Marketing: +387 30 654 145

Hotel Plivsko Jezero


Mile bb
Jajce 70101
Bosna i Hercegovina

plivsko.jezero@tel.net.ba

Recepcija telefon: +387 30 654 090

Recepcija fax: +387 30 654 091

<http://www.hotel-turist98.com/naslovna>



Hotel Stari grad
+387 (0) 30 65 40 06

<http://jajcetours.com/hotel-stari-grad/>

Bungalovi Plivsko jezero
+387 (0) 30 65 40 06



SERVISNE INFORMACIJE

KOTIZACIJA PO UČESNIKU 1100,00 EURA

KOTIZACIJA ZA GOSTE 500,00 EURA

UPLATA SE VRŠI NA RAČUN: Raiffeisen banka d.d. SARAJEVO;

IBAN CODE: BA391611000001273183

SWIFT CODE: RZBABA2S

**SPORTSKO RIBOLOVNI SAVEZ BOSNE I HERCEGOVINE, IVE ANDRIĆA 4, 71 123
ISTOČNO SARAJEVO;**

SEKRETAR SAVEZA: Biljana Tuševljak, br.tel. 0038766/987-375

TEL. 0038733/921-302

WEB: www.srsbih.com, <http://worldflyfishing2015.srsbih.com/>

MAIL: srsbihk@gmail.com

**MEĐUNARODNI ORGANIZATOR: Denijal Selimović; e-mail: denijal@net.hr;
br.tel.: 0038761/321-311**

Sportsko ribolovna udruga „Zlatovčica“ Jajce – domaćin takmičenja;



TEL. Tajnik Zlatko Hodak tel. 00387 30 647 165

WEB <http://www.zlatovcica.eu/> **MAIL** zlatkohodak1955@gmail.com

Uz prethodnu najavu ekipe i pojedinci mogu trenirati na svim takmičarskim stazama uz dnevnu dozvolu.

DODATNA PRAVILA :

- Na svim rijekama lovi se samo jednom mušicom, a na jezeru (lov iz čamca) dozvoljene su tri mušice po slobodnom izboru. Sve udice moraju biti bez kontra-kuke.
- Usluge vezivanja muha



Mile Kerkez, Jovana Dučića 78252 Trn, Tel: +387 65 919 116

Dodatne podatke o vezačima muha objavićemo na službenoj web stranici.

Generalni pokrovitelj: Predsjedništvo BiH



Medijski pokrovitelj: BHT1



Organizator: SRSBiH



Suorganizatori: Općina Jajce - SRU „Zlatovčica“ Jajce
Općina Donji Vakuf – SRD „Vrbaš“
Općina Ključ - SRD „Ključ“
Opština Šipovo – SRD „Šipovo“
Opština Ribnik- SRD „Ribnik“



SPONZORI: Ministarstvo civilnih poslova BiH
Vlada Federacije BiH
Vlada Republike Srpske
Vlada SBK
Vlada USK
Turistička zajednica SBK
Avio- kompanija Turkish Airvaves



TURKISH AIRLINES





Jajce – grad domaćin

Na obalama rijeka Vrbasa i Plive uzdiže se jedan od najljepših gradova u Bosni i Hercegovini – grad svjetla, kamena i vode, kraljevski grad, muzej pod vedrim nebom, grad sa 27 nacionalnih spomenika – grad Jajce. Veličanstveni, 21 metar visoki vodopad, jedan od 12 najljepših na svijetu, ukrašava sam centar grada čineći Jajce jedinstvenim.

Jajce se nalazi u centralnom dijelu BiH, odnosno na sjeverozapadnom području Srednjobosanskog kantona/ Kanton Središnja Bosna FBiH. Grad Jajce nalazi se na nadmorskoj visini od 470 metara na tvrđavi i 426,6 metara na Plivskim jezerima, graniči sa općinama Donji Vakuf i Travnik sa istočne, općinom Dobretići sa sjeverne strane, a na zapadu sa općinama Šipovo, Jezero i Mrkonjić Grad. Područje općine sa ostalim dijelovima BiH povezuju magistralne ceste M-5 i M-16.


Prirodna bogatstva koja čine i rijeka Pliva sa svojim jezerima i vodopadom, te bogato kulturno-istorijsko naslijeđe (Tvrđava, Katakombe, Omer-begova kuća, crkva sv. Marije i toranj sv. Luke,

hram boga Mitrasa, džamija Esme sultanije... ukupno 27 nacionalnih spomenika) predstavljaju jedinstvenu turističku ponudu Jajca.

Engleski putopisac Vilijam Miler daje oduška svojim nabujalim emocijama pa piše: „Putovati Bosnom a ne vidjeti Jajce bilo bi neoprostivo, jer to je, bez sumnje, dragulj te zemlje, grad s prekrasnim položajem....“

Grad je to u kojem su ljudi živjeli još prije 6.000 godina. Grad sjedište bosanskih kraljeva, grad u kojem je krunisan posljednji bosanski kralj Stjepan Tomašević, grad u kojem je stvorena Titova Jugoslavija. Grad je to koji njegujući svoje kulturno, historijko i prirodno naslijeđe predstavlja danas ono najljepše što su priroda i čovjek tokom milenija podarili ovom gradu – kapiji istoka i zapada. S koje god strane da dolazi u Jajce putnik slijedi rijeke Vrbasa ili Plivu, njihov zeleni ili plavi trag koji ga nepogrješivo vodi do grada kojemu je priroda tako izdašno podarila uvjete za ljudsko življenje

Dobro došli u Jajce grad kandidat za Listu svjetske baštine UNESCO!



35. SVJETSKO PRVENSTVO U MUŠIČARENJU 2015. BIH

35TH WORLD FLY FISHING CHAMPIONSHIP 2015. B&H

